

Siunnersuut uunga: Meeqyanut tapiissutit pillugit Inatsisartut inatsisaata, Utoqqalinersiaqarneq pillugu Inatsisartut inatsisaata, Siusinaartumik pensionisiat pillugit Inatsisartut inatsisaata, Ilanniartunut tapiisarneq pillugu Inatsisartut inatsisaata aamma Ilinniagaqarnersiutit pillugit Inatsisartut inatsisaata allanngortinneri pillugit Inatsisartut inatsisaat

(Isumaginninnermut, Suliffeqarnermut Nunamullu Namminermut Naalakkersuisoq)

Saqqummiussissut

(Isumaginninnermut, Suliffeqarnermut Nunamullu Namminermut Naalakkersuisoq)

Siullermeerinninnej

Matumuuna Naalakkersuisut saqqummiuppaat Meeqyanut tapiissutit pillugit Inatsisartut inatsisaata aamma inatsisit arlallit allat allanngortinneri pillugit Inatsisartut inatsissaattut siunnersuut.

Ukioq kingulleq Inatsisartut upernaakkut ataatsimiinnerminni pisortanit ikorsiissutit pillugit Inatsisartut inatsisaat nutaaq akuersissutigaat.

Inunnut meeralinnut pisortanit ikorsiissutinik pisartagaqartunut meeqyanut tapit pillugit ikorsiissutinik tunineqarnissaannut periarfissaq ullumikkut Inatsisartut inatsisaat nutaaq imaqanngilaq.

Taamaattumik Meeqyanut tapiissutit pillugit Inatsisartut inatsisaat allanngortillugu tamanna ikorsiivigineqassasoq Naalakkersuisut neriorsuipput.

Ilaqtariit meerartallit amerlanerpaat ullumikkut meeqyanut tapiissutinik tunineqartarput. Tamatuma saniatigut eqimattanut aalajangersimasunut meeqyanut tapit assigiinngitsut arlallit tunniunneqartarput.

Tamanna ajoraluartumik kinguneqarpoq, ilaqtariit isertitakitsut ilaat ilaqtariinnut isertitakitsunut allanut naleqqiullugu minnaarunneqartarnerat.

Pisortanit ikorsiissutinit aninguinissamut kajumissuseqarneq amigaataasoq ilanngullugu kinguneqarpoq, aningaasarsiakitsumik suliffeqarnissaq aningaasaqarnikkut naammattumik iluaqtissartaqanngimmat.

Taamaattumik siunnersuummi saqqummiunneqartumi siunertaavoq, ilaqtariit meerartallit isertitakitsut tamarmik naligiissinneqarnissaat qulakkiissallugu, meeqyanut tapiissuteqarnermik aaqqissuussani tamani aningaasaliissutit meeqyanut tapiissutinut nutaamut katarsorlugit, isertitamik qanoq pissarsiarisimaneraat apeqquaatinngagu pisartagaqartup isertitai kisiisa tunngavigalugit.

Siunnersuummi ilanngullugu siunertaavoq Naalakkersuisut anguniagaannut naapertuuttumik imminut pilersornissamut kajumissusermik annertunerusumik pilersitsinissaq.

Maannakkut aaqqissuussanit aningaasaliissutit katersorneri allatullu agguanneri saniatigut siunnersummi ukiumut 7,9 mio. kr-inik ilassutigineqarput.

Taamatut oqaaseqarlunga immikkoortoq Inatsisartunut suliassanngortinniarpara.